

函

海

丹鉛雜錄卷七

成都 楊慎撰 綿州 李調元校定

水經注

水經注所載事多他書經注所載事叙山水奇勝文藻駢麗比之宋人卧遊駢麗比之宋水豈不天淵子嘗欲抄出其山水佳勝欲抄出其山宋人卧遊錄之陋未暇也又其中載古未暇也又其歌云巴東三峽巫峽長猿啼三聲淚沾裳又云朝見黃牛暮見黃牛三朝三暮黃牛如故又云灘頭白勃堅相持倏忽淪沒別無期記夔道謠云櫓溪赤木盤蛇七曲盤羊鳥

攏勢與天通皆可以入詩材勝俗子看韻府羣玉遠矣

分沙漏石

酈道元水經注形容水之清澈云分沙漏石又曰淵無潛甲又曰魚若空懸又曰石子如樗蒲皆極造語之妙

空遊

柳子厚小石潭記潭中魚可百許頭皆若空遊無所依此語本之酈道元水經注淥水平潭清潔澄深俯視遊魚類若乘空沈佺期詩魚似鏡中懸亦用酈語

意也

諾皋記序

段少卿諾皋記序云聖人定璇璣之式周禮立巫祝之官考乎十輝之祥正乎九黎之亂當有道之日鬼不傷人在觀德之時神無乏主若列子言竈下之駒撥莊叟說戶下之雷霆楚莊爭隨兕而禍移齊桓觀委蛇而病愈

玩鷗亭記

玩鷗亭記云使吾心有以勝物則李廣之石可使爲虎使吾爲物所勝則樂令之弓亦能爲蛇苟吾心如

水石則鷗莫得而窺矣何爲不可玩哉

三游洞記

白居易三游洞記雲破月出光景含吐互相明滅晶
熒玲瓏象生其中雖有敏口莫能名狀造語如此何
異柳宗元世以爲大易輕議之蓋亦未深玩之也

半山文妙

王半山之女愈短愈妙如書刺客傳後云曹沫將而
亡人之城又劫天下盟主管仲因勿倍以市信一時
可也予獨怪智伯國士豫讓豈顧不用其策耶讓誠
國士也曾不能逆策三晉救智伯之亡一死區區尚

足校哉其亦不欺其意者也聶政售於嚴仲子荆軻
參於燕太子丹此兩人者污隱困約之時自貴其身
不妄願知亦曰有待焉彼挾道德以待世者何如哉
味此文何讓中記乎與讀孟嘗君傳同闕紐矣

朱紫陽

剖析性理之精微則日精月明窮詰邪說之隱匿則
神搜霆擊其感激忠義發明離騷則苦雨淒風之變
態其泛應人事游戲翰墨則行雲流水之自然其紫
陽之文乎或謂文與道爲二學道不屑文專守一藝
而不復旁通他書掇拾腐說而不能自遣一辭反使

記誦者強其陋詞華者笑其拙此則嘉定以後朱門
末學之蔽未有能救之者

吳潛宅換麻

予方重宵旰之憂汝不以畫錦爲樂入趨延英之召
亟奉天章之咨惟事務之孔殷顧弊源之滋甚邪不
可以千正而君子小人之界限未明戒不可以亂華
而內夏外夷之名分未肅士氣抑鬱而弗振民力殫
疲而莫紓在庭狃於意見之偏在邊玩於守備之弛
當饋以歎濟川其誰遣大投艱孰念救寧之計任重
道遠實惟宏毅之賢於乎詩有天保采薇營厲修政

攘夷狄之志道在中庸大學尚明治國平天下之經
惟至誠足以動感神明惟大公足以信服中外繫我
耆俊母煩訓詞

黃忠文公雷雪奏議

宋紹熙二年二月雷雪交作黃忠文公具封事畧曰
謹按易帝出乎震震爲雷君象也震本坤體陽自外
來交之有動乎情欲之象是以聖人於六十四卦中
凡涉震體取義尤嚴在復則曰以至日閉關欲其復
之靜也在隨則曰嚮晦入宴息欲其居之安也在頤
則曰慎言語節飲食欲其養之正也復之靜晝不可

以鄭聲撓之居之安夜不可以欲心蕩之養之正食
不可以旨酒亂之至於重震之卦則曰恐懼修省恐
懼在君心修省在君政豈可以虛文責之有司百官
哉黃公名裳字文叔蜀劍州人樓鑰稱之曰先見如
呂中丞勇決如范蜀公敢言如蘇東坡蓋司馬公自
以爲不及者公或過之而皆得其全識者以爲知言

楊文安公戒諭諸將銘

金人敗好率先興戎朝廷應兵誠非得已惟諸大將
皆吾爪牙忠憤慨然誰不思奮上爲社稷下爲生靈
聲援相聞如手足之捍頭目緩急相救如子弟之衛

父兄追廉藺之遺風思寇賈之高誼叶成犄角之勢
用濟同舟之安諸將讀之無不感奮當時謂可與陸
宣公奉天一詔同朱子取二句入孟子註則此文贈
矣當代久矣楊公名

字椿

省元眉山人

李巽巖撰趙待制

開

墓銘

蜀藪爾國偏處西南初幸自保社魚相蠶驟通秦塞
開明始貪膠擾肇茲事難盡談秦亟取蜀篋肱囊探
蘓旣野蔓葛仍谷覃山玉靡在淵珠莫涵昔萬億稊
今儲石儋上豈云富下滋不堪役困則傷告病如譚
兵端孰弭寇鋒誰戢蟻聚蠡屯猶虓虎闕公起圖之

寧忍一慙擢茗酒鹽兼用此三織楮寓弊重輕相參
吏姦游賊交鬪並讒止蕃一作樊蠅營射沙盍含苟
可救時茶苦薺甘退省其私不贏一簪公曰我法要
祇能暫彼兵與民互爲矢函長此安窮亂是用餒解
而更張五盍手攬天不憖遺斷鞅脫驂使民至今未
弛負擔豈無若威逞願釋憾公葬久矣幽公沈沈我
作銘詩神明所鑑刻諸北山維石巖巖美其必傳澤
詎卒斬後此千載勿毀勿撼

祭文

祭王向文稱霜落之林豪鷹雋鷗萬鳥逃避直摩蒼

天又曰如羈駿馬以駕柴車側身隨鬣與蹇同芻

汪莊敏銘

洪容齊作汪莊敏銘詩凡八十句真可與韓公會合
聯句相敵今錄于此其詞曰維天生材萬彙傾竦侯
王將相曾是有種公家江東世繹耕壟桃谿之渙是
播是稊孰丰厥培執此珪珙公羈未奮逸駕思蹕沈
酣春秋蹈廸周孔徑策名策稍辭淥嶠橫經湘沅士
敬如捧蓬萊方丈佩飾有琇應龍天飛蒼蔚雲滃下
官在序摩厲慙慙吾惟片言借箸泉湧正冠霜臺過
者卞悚顏顏殿庀聲氣不動顯仁東攢巫史呼洵昌

言一下恩浹千家，焦鬻孔熾邊戒毛毳嬖嬰當位左。
掣右壅公云：當今沸渭混瀕天，威震耀誰不憤踊遂。
遷中司西柄，是董出關啟施籌檄倥偬業業荆襄將。
懦曰拱設袂電赴如遵，乃勇鄧唐蔡陳馳捷系踵佛。
裡一作狸歸翫民恃不恐，璽書賜朝百揆摻總亞勛。

贊冊國勢尊輦督軍載西寄責深重方規許洛事援。
秦隴符離罔功奇畫膠葦鈎樞建使宰席亢寵還臨。
西州夾道歡擁，有御未墜病癖且癯，曾不憖遺使我。
心慚湘湖高邱草木蔚葦維水客裔維山龍嵒矢其。
銘詩詞費以冗，奈何乎公萬禩母聳。

梓碧山人

四明梓碧山人許奎作百忍箴多牽合衍贅予獨取其危箴云圍棋制淝水之勝單騎入回紇之軍此宰相之雅量非將軍之輕身蓋安危未定勝負未決帳中倉皇則麾下氣懾正所以觀將相之事業浮海遇風色不變於張融亂兵掠射容不動于庾公蓋鯨鯢澎湃舟楫寄躬白刃蠡午節制誰從正所以試天下之英雄噫可不忍與

唐宰相多能文

唐開元宰相奏請狀及鄭畋鳳池稿多用四六皆宰

相自草五代亦然至范質始除其煩辭故萊公謂楊文公曰予不能爲唐時宰相蓋嫻於辭也

韋孝寬薛仁貴

後周韋孝寬參麟趾殿學士考校圖籍唐薛仁貴著周易新生本義四卷二子皆勇將而精意經術如此

集文選文士姓名

梁昭明太子統聚文士劉孝威庾肩吾徐防江伯操孔敬通惠子悅徐陵王固孔爍鮑至十人謂之高齋十學士集文選今襄陽有文選樓池州有文選臺未知何地爲的但十人姓名人多不知故特著之

王暉稱溫子昇

見藝林伐山

濟陰王暉云江左文人有顏謝任沈我溫子昇足以
凌顏轢謝合任吐沈

楊炯稱王勃

炯序勃文集云薛令言朝右文宗託末契而推一變
盧照隣人間才傑覽清規而轢九知所謂九知者蓋
用漢書九變復貫知言之選之語也

職林載岑文本善職而敏速或策令叢遽勅吏六七
人泚筆分口占授咸無遺意

三俊五君

二陸與顧榮號三俊五君嵇康阮籍劉伶向秀阮咸也竹林七賢有山濤王戎

玉箱雜記

蔡邕崔實號雙鳳崔晏與許受號貳龍王仲宣號泥下潛蛙曹植號綉虎鄧艾號伏鷲陸雲號隱鵠○南唐查文徽以策干李後主主奇之曰拔蘆中偉人○陶淵明褚炤之王琳柳元景馮道根傳緯章華六朝之景星鳳皇也○許懋卓乎天人

謂其關

莊周李斯

莊周出于子夏李斯原於荀卿○蜀人鰲隅子黃睇